

官板

中外新報

一千八百五十九年  
咸豐九年十一月

柳田文庫

文庫11

D 9

5

30  
25  
20  
15  
10

文庫 11  
D 9  
5

新田泉文庫

010190548274

中外新報第七號

一千八百五十九年  
九月初一日刊

浙甯 應思理 撰

甯波

甯地早晚禾稼豐登米價頗賤錢貼亦不甚貴人心較去歲為安惟商家貿易則均多虧折

北門外張姓者昔在石浦間設酒行有兒十三歲在行學業時有酒中戚元開素與伊家來往其子阿三有事往石浦寓于張姓行內不料阿三誘賭十三歲小兒勒寫欠票四萬貫迄今十餘年小兒雖屬長成然已忘却前事伊之

知其情前月間戚阿三欲藉典索欠恐難得

千八百五十九年



先將告示與廣人代索張氏因數巨不能抵償只得呈控縣主

上海

近日間上海外商至日本販買綢緞曾費洋銀百萬元運至上海各處發售因日本綢緞價較中華為賤上海官紳現自江口至城內開掘水道以通江潮喻軍民人等于開掘處不得攔阻如遇民房須拆毀者當以官價給之倘有從中不願膽敢謗瀆者一經察出定擬割嘴以息浮言而昭國法無如拆毀民房雖給官價終不能知其蓋造之費後有一處業主口出怨言云官紳鼓弊有錢使

用者何以保全其屋無錢使用者未免拆毀如此偏袒何以昭公允而服人心不料有人報知于官官拿其人欲割其嘴幸有從旁哀求者官遂以答罪責之

又近日上海官欲征茶絲二項之稅以應國用近聞有外國兵數百名已自香港至上海

廣東

廣東外商近因稅務一端未免有齟齬等情花旗欽差聞之速自上海起程前赴廣省以防疎虞

又近有英兵自天津調遣戍廣皆在城外搭帳而居自悉有英兵載廣人八百五十名至哈佛那海島為備自

泰西船程駛至安南相近處遇礁破沉水手急下舢板得無恙者尚有三十一人廣人則盡被溺死得生者不過數人

日本

日本與外人立約以來各項高家有願與外人貿易者亦有不願與外人貿易者近聞願者較多不願者較寡又通商伊始時日本人為官長約束故未敢廣通今則其禁稍弛貿易漸廣又其國君甚與外人和好近聞將命欽差二員乘花旗火輪船駐劄花旗京都予思日本官若至外國游覽見外國制度文為與一切奇巧等事亦當倏然有遠

志不數年而日本之船散往各處矣

天竺

天竺未聞他務惟聞調遣兵丁以赴中華又英國陸路提督管轄天竺者亦將調赴中華

歐羅巴

英佛二國聞天津變故則群相驚愕非有所畏而驚之乃奇而驚之也當火船馳報時佛國先有其耗速命太員至英國會議近聞其議已定二國各調太兵以與中華從事十八年前攻擊中華海疆與去歲攻擊廣東天津英人好惡尚參其半今聞負約情由則群相忿激無一不樂于攻

佛蘭西與澳大利雖罷兵息戰和約已成然其中又有未  
曾議明者近聞二國將邀歐羅巴諸國會議

英有最大火輪船約可容人十萬是船內外俱裹以鐵船  
六層桅六枝旁兩輪旋于水上後一輪振于水下堅固非  
常高大無匹造成時試行于海約一時可行一百二十里  
較尋常火輪船為尤速是日岸旁觀者無數駛船者祇願  
游行之樂而于近火鐵管畧不加意後鐵管爆裂傷者五  
人

近聞峨國于黑龍江口多添兵船亦悉心籌畫通商之處

又于黑龍江相近處覓得採金之地是地蓋昔年大清所  
割與也

亞美利加

亞美利加分南北二境其中相連處狹如蜂腰現有佛蘭  
西人將于其腰開一條水路約二百里使船可直達太平  
洋以至中華然太平洋稍低于大西洋恐急流太甚未免  
有礙今佛人欲姑試之乘氣球相度其宜以行開掘

花旗北境與英吉利分界之處有大江名尼押格爾拉是  
江上流高于下流約一百六十尺上流之水奔騰而下狀  
如瀑布聲聞百里駭人心目江之下流兩岸石塘高而濶

有一佛蘭西人於對岸兩塘繫長繩一條繩離水約二百尺其人行於繩上手執一杖以為戲舞忽坐忽眠如在平地時有火輪船一隻泊于江中以防其墜是人即於袋內取繩一條垂至船中船主于繩端繫酒一玻璃瓶而是人即拾繩而上得瓶飲酒酒空將瓶擲于江中迤邐而去竟過彼岸是日觀者萬人莫不稱奇逾時復回至此岸問岸上人有願至彼岸者我能負之而過但岸上人無應聲而出者

墨西哥國為紅洋自出之區近聞其國多相殺伐四境不安

亞非利加

亞非利加一洲地當赤道之中大於中華十八省約有十倍通洲人民面黑髮鬃秉性雖愚然皆誠樸而無詐虞上古時外人至其地者惟洲之北境即埃及摩洛哥等國後有西洋國與荷蘭國人至其東西二境以販人為業其南境名蓋栢古達火栢亦有荷蘭人居焉五十年前英人逐之據其地以為耕種亦與本土人貿易凡英船入中華者皆經是地買食物煤炭等件然皆不過沿海之濱若洲之內土從未有深入之者故其內之風土人情外人概不知之初有英人名門哥伯爾克欲入內地甫入時遭劫掠後

遂不果十九年前有蘇格蘭人名李文思通者家貧好讀書凡書史醫學無不精通久之至洲之南境後奮志欲入內地遂攜妻子偕往先後居于內地約十五六年洲之內地隔有沙漠沙漠少水天又經年不雨草木皆童故行人難于跋涉惟每十五年夏時多雨沙漠始生瓜果可以解渴乃得經其地而入之李待其時至于沙漠相近處築屋而居時嘗遭荷蘭人劫掠有時出外遇獅傷其右臂險阻艱難亦備嘗矣李善與就地人為友就地人有與內地結親者願與之偕往臨行時妻子乘牛車曠野之中勺水莫取幾乎隕命後過一湖名艾彌見有良田美地勝于海濱

就地居民亦較海濱為文見李面白皆善待之李遂有遠志欲深入其地使妻子返旂回英已乃隻身獨往見內有多國每國有君以相統轄後至一國名麥哥羅羅其君名西冀利都李與之友甚相親洽是國人最信鬼亦最信藥以為凡事皆可服藥而放見李為教士兼為醫士多有就而問之者李皆一一教之故其國人不懷疑忌又是國獵者祇用弓箭或設陷阱見李以鎗獵獸俱喜其便又是國有一江江之彼岸有毒虫名蟻姊齧牛牛必死故彼岸無牧牛者又是國多產象牙甚有以之築牆者即賣與外人亦第易之以布李乃教之云此物最貴爾若自往海濱發

賣必得重價其君聞之着人百二十名肩負象牙央李偕往李乃與之同至海濱將象牙售與英人得價甚厚麥哥羅羅人皆深喜之又見向者所易之布其價甚賤始知爲人所欺于是遂買外國火鎗意欲返國以爲獵象之用伊等即語李云我等願偕爾游歷洲之中土直達東境爾可暫回我國居住數月一同起程後是等人果偕李同往沿潺皮西江以至東境至時早有火輪船自英來接李欲暫回於英將麥哥羅羅人居於西洋公館隨帶數人同往餘則使居館中待已李回英時宣言其事英君送以火輪船一隻使之復往至時見麥哥羅羅人果于西洋館中堅立

以待李乃使之同下水輪船入潺皮西江以至麥哥羅羅屈指往返之期已二年百二十人無一恙者惜或有歸家而妻已嫁人者潺皮西江相近處多產金鐵麥哥羅羅又多產棉花英人以為是地通商必得厚利摠之亞非利加一地儘多良田惜本土人不知生產即稍有畊種者亦不甚得法且其人多散居生齒亦不甚繁予思有智者導之則是洲生產當不亞他洲

金鋼石

拿鋼金中之鋼利而能斷是石堅而無比故名金鋼人得之若欲於其銳處磨之使平或欲於其平處磨之使光雖



有利器莫能為功惟于本石之粉輾轉磨之庶可使其平而發其光其堅蓋如此也是石初生于沙石中積沙成石故名沙石沙石積成于懸崖間日久為雨所零則隨流以至江中而金鋼石亦隨沙而去同雜于江沙中採之者必先斷水之流掬于沙中然後得之尤可奇者得金鋼石之處亦概有金可採豈宇宙精華所聚寶物亦以類應乎金鋼石不一色或黃或黑或紅或綠與藍最上者如水晶夜有光置于暗室中可以代燭最大者約如鷄子之半亦宛有鷄子之形昔佛蘭西有大臣得一金鋼石稍小于半鷄子曾以洋銀六十萬元購之後其君拿破命鑲于刀柄中舉世傳

為希有外國人研究物理者知萬物皆有本質可尋金鋼石本質與煤炭石炭同與鉛筆中之物亦同何以知之蓋金鋼石以火鍛之久之化為氣其氣可以燃燈如煤炭然故知其質與煤炭同也石炭亦產于山石中以火鍛之亦化為氣其氣亦可燃燈現外國人多用石炭燃燈照耀城中故知金鋼石之質又與石炭同鉛筆中之物亦產于沙石中花旗英吉利多有之雖不如金鋼石之堅若以火鍛之亦化為氣故知金鋼石之質又與鉛筆中之物同然煤炭石炭與鉛筆中之物燼後雖化為氣要皆有灰因內有雜物故也若金鋼石則內無雜物化氣後並不見有灰以

此知金鋼石為最貴焉。煤炭之成也，本于水，係人所造。石炭雖非人造，然內有草木之形，亦係草木所成。由此推之，金鋼石既與煤炭石炭均能化氣，則其成也亦本于水。可知矣。究之，金鋼石雖貴，而其為用不如石炭之廣。凡外國火輪機器皆需石炭，人莫以希有者為寶，而以常有之物為不足寶也。

探得大營章程，現已扎營江西至浙江安慶甯國府至東壩高淳，扎二千餘里，兵勇八萬名，外用銀一千九百萬之數。近日平安，再湖南一路，擒匪張六興有數萬，賊兵清江至山東界。

發閱目錄

舶來蕃書類  
官版原書類  
同翻譯書類

老皂館

東都豎川三之橋

萬屋兵四郎

